
Dreuchd:	Manaidsear Planaidh is Ghnìomhan Reachdail
Tuarastal:	B3: FTE £45,894 - £54,952
Àite-obrach:	Ri aontachadh
Uairean obrach:	Làn-ùine
Air a stiùireadh le:	Stiùiriche Leasachaidh
Cùmhnant:	Maireannach

Bòrd na Gàidhlig

'S e Buidheann Phoblach Neo-roinneil Ghnìomhach a th' ann am Bòrd na Gàidhlig a chaidh a stèidheachadh fo Achd na Gàidhlig (Alba) 2005. Is e a' phrìomh bhuidheann ann an Alba a tha an urra ri leasachadh na Gàidhlig, a' gabhail a-steach a bhith a' toirt comhairle do Mhinistearan na h-Alba air cùisean Gàidhlig.

Tha Bòrd na Gàidhlig ag obair gus Gàidhlig a bhrosnachadh ann an com-pàirteachas le Riaghaltas na h-Alba, Ùghdarrasan Ionadail, Buidhnean Poblach, buidhnean com-pàirteachais, agus coimhearsnachdan.

Tha Bòrd na Gàidhlig airson a raon-ùghdarrais a choileanadh tro bhith a' libhrigeadh a Phlana Chorporra, a bharrachd air a bhith a' cur ri libhrigeadh Plana Nàiseanta na Gàidhlig.

Adhbhar na dreuchd

A bhith a' stiùireadh agus a' cumail taic ri gèilleadh Bòrd na Gàidhlig agus ùghdarrasan poblach buntainneach ris na riaghailtean agus bun-inbhean riatanach reachdail uile.

Prìomh thaobhan den dreuchd seo

1. A' toirt taic is comhairle do Bhòrd na Gàidhlig a thaobh a h-uile rud co-cheangailte ri gèilleadh ri gnìomhan reachdail.
2. A bhith a' dealbhadh is a' cur an gnìomh prìomh ro-innleachdan airson gèilleadh agus dèanamh cinnteach gun libhrigear iad.
3. A' cumail taic ri cruthachadh agus dearcnachadh pròiseasan aithris taobh a-staigh Bòrd na Gàidhlig
4. A' conaltradh agus a' co-obrachadh le luchd-ùidh a thaobh coileanadh dhleastanasan reachdail agus gèillidh.
5. A' toirt taic do libhrigeadh amasan Bòrd na Gàidhlig mar a tha iad air am mìneachadh anns na planaichean gnìomh is corporra againn.

Dleastanasan Sònraichte

1. A' cruinneachadh fiosrachaidh gus aithris a thoirt seachad air mar a tha ùghdarrasan poblach a' gèilleadh ris na dleastanasan reachdail aca. Bidh seo a' gabhail a-steach cur an gnìomh

thargaidean ann am Planaichean Gàidhlig agus na riatanasan aig Bòrd na Gàidhlig a bhith ag aithris do Riaghaltas na h-Alba air gèilleadh ris an reachdas bhuntainneach uile.

2. Anailis is measadh fiosrachaidh gus dèanamh cinnteach gu bheil pròiseasan aithris a rèir riatanasan nàiseanta.
3. Ag ullachadh aithisgean buntainneach, a' gabhail a-steach a bhith gam measadh a rèir thargaidean aontaichte.
4. A' cuideachadh le bhith a' toirt stiùireadh do dh'ùghdarrasan poblach buntainneach a thaobh an dleastanasan.
5. A' cumail sùil air buill sgioba a tha an sàs ann am planadh agus gèilleadh reachdail.
6. Dleastanasan sam bith eile a thathar a' meas gu reusanta mar phàirt de dh'adhbhar agus de dhleastanas na dreuchd.

Comasan, Eòlas is Teisteanasan

Tha na leanas **riatanach** airson tagraichean a tha a' cur a-steach airson na dreuchd seo:

<ul style="list-style-type: none">• Eòlas agus tuigse follaiseach air an fhrèam-obrach reachdail a tha a' buntainn ri Bòrd na Gàidhlig.
<ul style="list-style-type: none">• Sgilean a ghabhas dearbhadh a thaobh cruthachadh agus cur an gnìomh ro-innleachdan gus a' Ghàidhlig a neartachadh.
<ul style="list-style-type: none">• Comas dàimhean a thogail le farsaingeachd de luchd-ùidh gus dèanamh cinnteach gu bheil prìomhachasan, builean agus gnìomhan air an libhrigeadh gu h-èifeachdach agus gu co-obrachail.
<ul style="list-style-type: none">• Sgilean stiùiridh pròiseict a' gabhail a-steach a bhith a' stiùireadh raon de phròiseactan aig an aon àm le cinn-ama teann.
<ul style="list-style-type: none">• Smaoineachadh breithneachail, comas mion-sgrùdadh a dhèanamh air dàta agus comas prìomh fhiosrachadh a thoirt seachad gu sgiobalta agus ann an dòigh ruigsinneach.
<ul style="list-style-type: none">• Eòlas ann a bhith a' fastadh agus a' stiùireadh chunnradairean gus na builean a thathar ag iarraidh a choileanadh taobh a-staigh bhuidseit agus a rèir a' chlàir-ama.
<ul style="list-style-type: none">• Comas sgioba a chumhachdachadh agus a chomasachadh.
<ul style="list-style-type: none">• Comas buaidh a thoirt air beachdan mhanaidsearan agus cheannardan.
<ul style="list-style-type: none">• Sgilean eagrachaidh math.
<ul style="list-style-type: none">• Comasach air fèin-stiùireadh gus na toraidhean agus na builean riatanach a libhrigeadh.
<ul style="list-style-type: none">• Foghlam gu co-dhiù SCQF Ìre 10 (Ceum le Urram).
<ul style="list-style-type: none">• Teisteanas iomchaidh ann an cuspair iomchaidh agus/no co-dhiù trì bliadhna de dh'eòlas iomchaidh ag obair ann an raon co-cheangailte.
<ul style="list-style-type: none">• Fileanta an dà chuid ann an Gàidhlig agus Beurla
<ul style="list-style-type: none">• Comas siubhal air feadh na h-Alba

Tha na leanas **ion-mhiannaichte** airson tagraichean a tha a' cur a-steach airson na dreuchd seo:

• Eòlas air planadh càin airson Gàidhlig na h-Alba.
• Eòlas air agus comas ann am prìomh dhòighean conaltraidh a’ gabhail a-steach nam meadhanan sòisealta.
• Eòlas air sreath-mhanaidseadh.
• Làn chead dràibhidh na Rìoghachd Aonaichte.

Fiosrachadh eile

A bheil dleasan stiùireadh loidhne ann:	Tha
Tuarastal:	B3: FTE £45,894 - £54, 952
Buannachdan:	<p>Bidh luchd-obrach le cùmhnant maireannach, no cùmhnant sealach a mhaireas 3 mìosan no nas fhaide, nam buill de Mhaoin Peinnsein Comhairle na Gàidhealtachd, mura dèan iad iarrtas gus tarraing a-mach.</p> <p>http://www.highlandpensionfund.org</p> <p>Gheibhear 30 latha de shaor-làithean sa bhliadhna agus 7 latha de shaor-làithean poblach</p>
<p>Bu chòir do thagraichean airson na dreuchd seo a thoirt fa-near:</p> <ul style="list-style-type: none"> • Feumaidh an dreuchd seo sgrùdadh Foillseachadh Alba (<i>Disclosure Scotland</i>). • Bidh agaibh ri siubhal mar phàirt den obair seo, a’ gabhail a-steach oidhcheannan air falbh bhon dachaigh corra uair. 	
<p>Seo tuairisgeul air an obair mar a tha i an-dràsta. Tha e na chleachdadh àbhaisteach ath-sgrùdadh a dhèanamh air tuairisgeulan obrach bho àm gu àm gus dèanamh cinnteach gu bheil iad buntainneach dhan obair a thathar a’ dèanamh aig an àm sin, agus gus dèanamh cinnteach gu bheil e a’ gabhail a-steach atharrachadh sam bith a tha air tachairt no a thathar a’ moladh.</p>	